

**TUEGE IGIKURIA
IRITARASA
RE KAMWE**

1

© KENYA INSTITUTE OF CURRICULUM DEVELOPMENT

Amahekeerano gonswe gasookwe. Entahana ere yionswe iya egetabo keno yange kurusibwa, kurichokibwa, kogaranchorwa gonchera yakondeka, gokobi gose gotomera omotandao, otahaywe iribaga kurua kumurichoki owaagetabo keno.

Iririchokio re kemwe

Umueri ogo gasaansaba, 2023

ISBN: 9978-9914-43-264-0

Keendekwa hakurua kerichokibwa na KICD

Irisandeko ere eposita 30231 – 00100
Nairobi – Kenya
Enamba iya isimu (020) 3749900-9, 3747994.

Efakisi: 254 (020) 3639130

Ebarua iya omotandao: info@kicd.ac.ke

FOREWORD

The Kenya Institute of Curriculum Development (KICD) is mandated to advise the Government of Kenya (GoK) on matters pertaining to curriculum development. One of KICD's specific functions is to develop, review and approve programmes, curricula and curriculum support materials that meet international standards for all levels of education, below the University.

In this context, the GoK adopted the Competency Based Curriculum (CBC) which was conceptualised and developed by KICD whose implementation started in 2019 with the Early Years of Education (Pre-Primary school and Lower Primary). The first cohort of CBC learners are currently at Grade 7 of Juniors School. The CBC vision is to produce engaged, empowered and ethical citizens with emphasis on nurturing every learner's potential. The Curriculum aims at developing seven key competencies through various learning areas at all levels. These include: Communication and collaboration, creativity and imagination, critical thinking and problem solving, citizenship, self-efficacy, learning to learn and digital literacy.

In the CBC, one of the learning areas that has been given prominence in the Early Years of learning is Indigenous Language (**IL**) as an important step in nurturing learners' communication and collaborative skills within their social-cultural contexts as provided for in the Kenyan goals of Education. This effort is also in tandem with the Language in Education Policy which stipulates that the medium of instruction in Early Years Education (EYE) should be the learner's first language. Accordingly, KICD has developed a *Learner's Book* and *Teachers' Guide* for Grade 1 learners in a number of indigenous languages in Kenya. The Learner's books are intended to facilitate systematic learning of listening, speaking, reading and writing skills in the target language. The Teachers Guide should be used alongside the learner's book for and is intended to provide a set of methods, techniques, suggested experiences and resources that will facilitate learning and make it interesting for learners at this level.

On behalf of the KICD Council, Management and Staff, I wish to most sincerely thank everyone who contributed to the writing of this Teacher's

Guide in one way or the other. Indeed, the guide is a testament of your invaluable sacrifice. A lot of appreciation also goes to the Development partners who contributed to the funding of the programme that made the writing and distribution process possible; in particular, the World Bank thorough the Kenya Primary Education Equity in Learning Programme (KPEELP. Ultimately, we are very thankful to the Principal Secretary, State Department for Basic Education and the Cabinet Secretary for Education for their invaluable guidance and support to the Institute.



**Prof Charles Ong'ondo PhD., MBS.
DIRECTOR/ CHIEF EXECUTIVE OFFICER
KENYA INSTITUTE OF CURRICULUM DEVELOPMENT**

AGA MBERE

Omoorokiirrio ogo ibigambo bia karei yakoroa kebore igutunwa ko gatiba, 2010 gano gareenge gotonerwa iga gakoroe gokoreng'ana na amaigio na amagenderio aga amamaho gayo. Omoorokiirrio ogo ibigambo bia karai goraragiirria iga ekegambo ge karei kiigibwe komeeka ge mbere.

Omoorokiirrio ogo ibigambo bia karei ngoraahe abiega obong'aini obo gotegeerra, ugusumaacha, gosoma na kondika. Omoongoso go omoorokia ngokorroe gutuurria omoorokia bore araigi abiega gokoba na isumaacho eno etakohaga, eno ekobakora bai komang'enga hagarehagare gokoreng'ana na ibigambo bia karei. Ngoratomerwe hamui na egetabo eke umuega eke iritarasa re kamwe.

Amagenderio aga obondiki obo egetabo eke omoorokia ngahekerwa kohetera kubumwi. Ndagonga bano baachangeye kobondiki obo omongoso gono, abandiki hamui na abatangati aba kurua KICD.



Prof. Charles Ong'ondo PhD, MBS

Umuimiriirri/Omotangati Omonene

Kenya Institute of Curriculum Development

Gano Gaamo

ENTAHANA YA KAMWE: KA.....	1
ENTAHANA YA KABERE: ISUKUURU YANE.....	8
ENTAHANA YA GATATO: ETEEMO INCHIIYA.....	17
ENTAHANA YA KANEI: OBOHORU/UBUIKUUNI.....	22
ENTAHANA YA GATANO: ICHINSA NA INCHIKAAGA.....	30

GANO UMUEGA AGOTONERWA IGA AMANYE KO MEEKA EGEGOTANGA AMAIGIO

Kogosokia emeka egegotanga amaigio, umuega abe na ogotora ko;

1. Kogaamba buuya gotomera ichinchera ichia kogaamba na chino chitare ichia kogaamba.
2. Koorokia obong'aini obo gosoma na kobara.
3. Gotomera ichinchera ichiihea chia gosoma kumiego na kuigökia.
4. Gotomera obong'aini boguitegeerra bokong'u kogosesora inyaanyi.
5. Gokora ubuikuuni, ibiakorea ibiiya, ubuitaahi, ukuireenda koorri obohoru buimukiirribwe.
6. Koba na eteemo inchiiya ko ubuiguerreini na abande.
7. Koongora ibinto bino bimwinaarre kugira ya amiego na oroberi.
8. Koorokia ogotora oko amageendeerrio gontahana ya omobere, amaitegeerro, kebonkoro, eteemo inchiiya hamwi na ubuuya.

AMAIGIO GAKAREI NA GANO TURIEGE KURUA MO

Hano abiega bagosookia emeka gegotaanga igiamaigio, babe na ogotora ko;

1. Gusumaacha abiene, na obokare gokegambo keebo guchinkaaga hagare hagare.
2. Batomere amang'ana amaheea gokegambo gekarei kugusumaacha buuya.
3. Basome buuya batakokhaga gokegambo keebo egekarei, na kuriingia amang'ana.
4. Koorokia kebore bakuigwa, amaiteegero gaboo, kohetera gokoondeka gokegambo keebo.
5. Gokora amakore ameiya aga eka, hamui na eteemo inchiiya eno

iguitabiirrania na kera monto gooka.

6. Gotomera obong'eini bokarei gokoreenda oroberi.

OGOTANGA

Egetabo eke Igukuria eke gotangatia omoorokia nkeratomeroe hamwi ne egetabo eke umuega ko itarasa ere kamwe. Abana biega mbarabe abaimirirri aba amiego gaabo, gotomera ichinchera hagare. Obong'aini bono bootomeroa kuengeria esesoro iya ekegumbo. Ogotomera ekegambo keyo ge karei nkoraigi amang'ana amahea hamui na ibitubanio ibia ekegambo bino biratuirri abiega kohekeera amatuno hagare hagare aga abiega aba iritarasa ere kamwe.

OGOTOMERA EGETABO EKE UMUEGA NA EGETABO EKE OMOOROKIA

Egetabo eke Igikuria eke umuega owa iritarasa ere kamwe nkena amang'enga 5. Kera iriing'enga, ngusumaachera rere obong'aini obo gotegeerra (tegeerra na ogaambe), okogaamba (tiga togaambe), ogosoma (tiga tosome) na okondeka (tiga tondeke). Gano gamo ngusumachera garenge amang'ana amahea gokegumbo ege karei garamaheerra ichinkoneka isano chiyo.

Ameigio gayo ngaraahe abiega enhera iya komenya ruiso ronswe. Ichigaasi ichia umuega nkuya nchirenge hamwe na gano agotonerwa iga amanye hamwe na bira agotonerwa iga akore. Kogosokiirria iritarasa, ngotonerwa erenge iga umuega abe na ogotora gokogaamba ekegambo keebo buuya.

Tegeerra Ogaambe

Entahana eno neraahe umuega ogotora ko gusumaacha kugikuria. Wiiki, nkoha ere umuega umueya go kohekeera obotegeerri obo ekerengere ekenene. Mbuya gokomanya iga, ukuega gotegeerra nkoha kore abiega iribaga re kunyoora obotegeerri

obo ekerengere ekenene bono borabaturri koongora gano gagotonerwa kurua komang'ana gakogaamba na gotegeerra. Ibinto bino bikuya hamwi na ibitubanio ibia ekegaambo mbirenge gontahana eno: amagano amieng'e, amabina na ibituubanio, gokora amiego aga Igikuria koba aga kogookia. Gukwengerria, eno ngutuurria ere kuega ekegambo kobotobu.

Togaambe

Go ntahana eno, abiega mbarahetere amiego gano garabaturri kogamba amang'ana buuya na gokora isumacho batakohaga. Amiego kurwa ichintahana hagare hagare ngaratuurri umuega gusumaacha na komanya amang'ana amahea gano garakore oongore isumacho. Abiega entahana eno, mbaratomere emehooro, amagano na amabina gano garabakore bamanye Igikuria.

Tosome

Gokohetera ogosoma, abiega mbaramanye amang'ana aga Igikuria. Ogosoma esauti ya igoro nkoraah abiega umueya go kogamba amang'ana kehaara egotakerwa. Ng'ora ng'ora abiega mbaramanye gosoma bongobongo.

Entahana eno omoorokia narahe abiega egaasi ya komaaha nyora boongooye keno basomere. Omoorokia naratomere amagano na amabina gare arasome ko ngamba yaigoro, abiega bamurwe nyuma kuhika bamanye gosoma Igikuria.

Tondeke

Entahana eno, abiega mbarandeke amang'ana amatobu. Omoorokia narahe abiega egasi eno barandeke ichinuguta ichinene na ichinke, biege gokora ichinuguta, babe na omondeko umuuya. Omoorokia narachagore ichinuguta chino abiega baraandeke kogokora egaasi ya koondeka ebe entobu.

Entahana eno neraahe abiega umueya go gotomera ibicha kondeka amang'ana kurua amatobu kohekera amakong'u.

Egetabo eke omoorokia ngotoora kere uburito okondeka omoondeko umuuya.

Omoorokia arigi amang'ana aga omondeko aga koorokia ichinuguta hagare hagare na keebore chikoorwe.

UKUIGIA ABIEGA BANO BANA IMIIRIRO

Ogotegeerra

Omoorokia aratora kuigia umuichogano ogo abiega bano bakuigua na bano baana imiiriro ge kuigua. Keno omoorokia arakore, amahe iga ahekeeye ora atakuigua, amohe amaigio nawe amanye.

Okogaamba

Omoorokia naraatore koba na abiega abamwi bano bana iritatura. Omoorokia amahe iga ahikire haang'i abiega aba iritatura gokoongora imiriyo geebo. Abiega abamui nkooboha bare kogaamba na harabe buuya hano omoorokia arabahe omoyo go gusumaacha.

Ogosoma

Hano omoorokia arabe na abiega bano baana imiiriro gegosoma, aahore enkaaga ya koba nabo abaigi. Omoorokia aandeke amang'ana korobao, abooroki ogosoma. Imichooro geno omorokia arachagore gebe geno gerabaturri gosoma na kondeka.

Okondeka

Omoorokia engaki eno akuigia abiega kondeka, amanye iga abamwe tebamanyere kogota ekaramu iya irikara hai.

Abaigi ng'ora na arabaha egaasi eno erabaturri komanya kondeka buuya.

Abiega bano baana imiiriro gekondeka, omoorokia ahekeere abaiburi baabo gokobaturria.

Hamwi na gayo, Omoorokia ahane amaragiirrio koogano;

- Ibibanyiirri ibia umuega wa iritarasa ere kamwe hamwe na ichinchera chino chiratomeke kuigia na kuega.
- Gano garayi garasumacherwa, kubweng'e.
- Amang'enga gano gaana ubuera kurua kubitukiri ibia, amang'ana aga keboreero (PCIs); Okoreeta abaiburi hamwe na kobaha ogotora ogo kuimereerra amiego na amaigio gano gararete ubuera koroberi (CSL).
- Bore arahekerani amatuno aga abaana ababeeru guitarasa.

ENTAHANA YA KAMWE: KA

Ogotaanga

Entahana eno ni ya amang'ana aga ka.

Umuega narenge iga agaambe amarina aga ibinto, ichitiinyi chino chigotooka ka.

Amanye gokeeria na amariingio aga amakerio.

Umuega eege gokora kere agotebibwa.

Umuega amanye ichinuguta gokegaambo keebo.

Ibinto bino biratomeke

Amakaratasi gano gachoorrwe ibinto na ichitiinyi ichia ka.

Ichaati eno ena ichinuguta.

Ibinto bino bigotooka sukuuru: iritesiki, orobao

Amatagito aga koboomba ibinto

Ichibenseri ichia eraange

Eseemi ya Kuigia

Omorookia abe na ibinto biyo na atune ibinde bino biramutuurri kuigia.

A. Tegeerra Ogaambe

Gare garahekeerwe na umuega.

Gokohekera omohero, umuega abe na ogotora ko;

- i) Gokeeria na ukuriingga amakeerio.
- ii) Gokeeria abanto guchinkaaga hagare hagare ichia urusiko.

Egaasi ya kamwe

Omoorokia atomere iribina reno reena amakeerio, kuigia.

Omoorokia oroki ubuera ubwa amakerio gusumaacho.

- i. Ibicha bia amakeerio aga omona owa igiseke na omona owa ikimura.
- ii. Ibicha ibia gutigana omona wa igiseke na omona wa ikimura.

Egaasi ya Kabere

Omoorokia asome amakeerio, umuega amahe ibicha ariingi amakerio.

Egaasi ya Gatato

Omoorokia atuurri umuega kogaamba amakeerio aga ichinkaaga hagare hagare na kobanto hagare hagare.

- i) Ibicha bia irioba rerarasa, inkio
- ii) Ibicha bia irioba omobaso gobarre
- iii) Ibicha bia omona owa ikimura araaye ubutiko

Egaasi ya Kanei

Umuega abohe egetambara komaiso, aimuki ekaratasi gokegabo, abiega basome irina gokaratasi, bagambe esauti iya itiinyi eno ichoorrwe gokaratasi.

Ogokagora umuega

Amabuuri kuumunywa

Omoorokia abuuri amakeerio, umuega aringi amakerio.

Waaraye?—ee na uwe

Nohoyere?—ee na uwe

Egekaguri

(Tikia hano umuega amanyere kogaamba, guisia hano umuega atamanyere kogaamba)

Umuega	Namanyere kuriingga amkeerio	Tamanyere kuriingga amkeerio	Iririingio
Chacha			
Boke			

B. Togaambe

Gare garaahkeerwe na umuega.

Gokohkeera omoherio, umuega abe na ogotora ko.

- i) Kogaamba amarina aga ibinto bino bigotooka ka.
- ii) Gotegeerra na gokora kere umuega onde akogaamba.

Egaasi ya Kamwe

a) **Omoorokia oroki umuega ibicha ibia ibinto bino birenge ka na ichitiinyi ichia ka.**

Imburi

Eng'ombe

Iring'oondi

Ekaraaya

Egekombe

Esahani

Oboorre

Emeesa

Igichiiko

Inyoongo

Umuega amahe ibicha na agambe amarina.

Egaasi ya Kabere

Omoorokia asome irigano reno. Umuega amahe ibicha kogetabo kee koobechi ya kanaanei (8).

Weisiko akariinga kurua sukuuru. Agasikana na isawabo ararua kuriisia iching'ombe na ichimburi. Akamokeeria iga taata isakorogaati. Isawabo akagaamba iga taata isagaati. Iching'ombe cheito chigotere kemwe.

Egaasi ya gatato

- a) Umuega agambe amang'ana kogetabo kee. Abiega bategeerre na bakore kere akogamba.
- b) Omoorokia atoore abiega babere babere, barengere amang'ana gayo.

Amang'ana

- Eya irisiko
- Siika egesaku
- Ogia ibikoombe
- Baanga ibitabo biaao kumusuko.

Ogokagora umuega

Okomaaha umuega arakora:

Omoorokia akore, umuega agambe kere omoorokia agokora. umuega akore,

omoorokia amahe.

- 1) Ahute orobao
- 2) Aandeke korobao
- 3) Asiike omorango

Igitubanio.

ukuhuta okondeka ugusiika

Mbusiro



C. Tosome

Gare garahekeerwe na umuega

Gokohekera omoherio umuega abe na ogotora ko;

- i) Gosoma amang'ana gano ahayoe.
- ii) Gosoma kere akomaaha kubicha.

Egaasi ya Kamwe

- a) Tohooye Omohooro.

Omoorokia akore ichikaratasi chino china inyaamu, eseese, engoko. Atore gokegabo. Umuega amahe ibicha na agambe amarina aga ibicha biyo.

- b) Umuega amaahe ibicha na asome kere aroche.

Omorro

Esahani

Amato

Egaasi ya Kabere

Umuega andeke amarina aga ibinto ibia ka. Umuega andeke amarina aga ichitiinyi ichia ka. Umuega asome amarina gayo.

Ogokaroga umuega

Omoorokia achore ibicha korobao: egekombe, igichiko, inyaamu, engoko. Umuega asome amarina aga ibicha biyo.

Iruburiiki

- 1. Ogosoma binei= UA**
- 2. Ogosoma bitato=OA**
- 3. Ogosoma bibere=HAA**
- 4. Ogosoma kemwi=HA**

Umuega andeke	Amarina aga ibinto ibia ka
Umuega andeke	Amarina aga ichitiinyi icha ka

D. Toondeke

Gare garahekeerwe na umuega.

Gokohekera omohero umuega abe na ogotora ko:

- i) Kondeka ichibokari ichia Igikuria.
- ii) Koboomba ichibokari ichia Igikuria.

Egaasi ya Kamwe

- a) Omoorokia andeke ichinuguta korobao

Umuega amaahe ichinuguta kogetabo

- b) Omoorokia andeke ichibokari **a e i o u** kohewa.

Umuega andeke ichobokari kogetabo, ahake erange.

Egaasi ya Kabere

- a) Umuega aboombe ichibokari hakurua ahake eraange.
- b) Omoorokia orokeerri umuega kondeka ebokari kebore egotonerwa.

Egaasi ya Gatato

- i) Umuega aichuri imieya geno getana ichibokari.

Ogokagora Umuega

Ogotomera egekaguri

Aandeke a e i o u

Gati     

- i) Omorokia andeke kohewa inuguta

a e i o u

- ii) Umuega atomere ichirange hagare hagare

ENTAHANA YA KABERE: ISUKUURU YANE

Ogotanga

Isukuuru yane nemwe ya gare umuega agotakerwa amanye ko omoorokiirrio ogo iritarasa re kamwe.

Gano gaamo ngatoorrwe komang'enga anei:

Tegeerra, gaamba; soma; andeka.

Kera iring'enga ndena gare umuega areenge iga akore, koorri amanye gotegeerra, gusumaacha, gosoma na kondaka.

Ibinto bino biratomeke gukuigia:

- Amakaratasi gano gandekerwe.
- Ekegabo keno kena amang'ana.
- Ibicha.
- Isiimu/ikioma eke omotandao.

Eseemi ya kuigia na kuega

Omoorokia atoore abiega komakomo, gose babere babere.

Omoorokia arigi amang'ana gano gaana ichisirabi ibere ibere.

A. Tegeerra Ogaambe

Gare garahekeerwe na umuega.

Gokohekera omohorio, umuega abe na ogotora ko;

- i) Gotomera ichisirabi ibere gokora amang'ana.

- ii) Kogaamba ichisirabi komang'ana amahea.

Egaasi ya Kamwe

a) Umuega amaahe ibicha, atebi omosani nke akomaaha.

b) Umuega ategeerre omoorokia aragamba iching'ana.

Taata – taa ta

Baaba – baa ba

Maamei – maa mei

Weito – wei to

Umuega agaambe amang'enga gayo aga ichisirabi.

Umuega ategeerre omosani aragaamba amang'enga gayo.

Egaasi ya kabere

a) Umuega amaahe ibicha, ateebi omosani kere akomaaha.

ensa	genda
------	-------

b) Omoorokia agaambe amang'ana aga ichisirabi ibere.

Umuega agaambe kere omoorokia agambere

taata – taa ta

1 2

Egasi ya Gatato

Babere babere, abiega bagotani ibicha bino bitubaini bakore amang'ana. Basome amang'enga gayo. Basomerane amang'ana. Bategeerre abiega baande barasoma. Omoorokia amaahe iga bakorre egaasi na obomoe na basomere ichisirabi kebore egotakerwa.

Egaasi ya kanei

Omoorokia ahaane amang'ana aga ichisirabi ibere, umuega agatuene guchisirabi chiyo. Umuega amaahe kogetabo kee, kobechi ikumi na ibere (12). Omoorokia arigi amang'ana gaande aga ichisirabi ibere.

Umuega atuene amang'ana guchisirabi ibere ibere.

Gooko, Siika, Seka, Robi

Ogokagora Umuega

Tomera Egekaguri

Egekaguri eke abiega

Iritarasa re Kamwe

Entahana ya kuega: Isukuuru yaane

Irina ere omoorokia:-----

Etarehe-----Umueri-----Omooka-----

Iriigio: Tegeerra ogaanbe

Iriigio iriike: Ogotegeerra na kogaamba ichisirabi ibere

(Tikia hano umuega amanyere kogaamba, guisia hano umuega atamanyere kogaamba)

Umuega	Namanyere	Tamanyere	Iririingio
Chacha			
Gati			

B. Togaambe

Gare garahekeerwe na umuega.

Gokohekera omohero, umuega atore;

- i) Kuiguera omoorokia na gokora kere akogaamba.
- ii) Gokora kere umuega onde akogaamba.

Egaasi ya Kamwe

- a) Umuega agambe amang'ana ganga gano.

Ikara hanse

Huta orobao

Genda guitarasa

- b) Omoorokia atangati abiega kogaamba igaanke bakuiguera aboorokia.

Abiega basumache igaanke bakuiguera aboorokia. Omoorokia ategeerre, abahe omoyo ogo guitegeerra bokong'u, obogotaini hamwe na omorembe.

Ibicha bia omoorokia na abiega.

Omoorokia ateebi abiega bamaheerre ibicha.

Omoorokia abuuri abiega kere bakomaaha.

Amariingio:

- a) Omoorokia ngotobia are abiega iga baimeerre.

- b) Abiega mbaraimeerre.
- c) Korokia iga mbaana eteemo inchiiya kugira newe akobaigia

Egaasi ya Gatato

Abiega bategeerre omoorokia arasoma amang'ana gano. Bakore keebore amang'ana gakogaamba.

- Taacha hano
- Soma hano
- Imukia ekaramu
- Genda orare

Umuega amahe ibicha kogetabo kee, atebi omosani akore amakora gayo.

Egetabo kehonyorwe kena amang'ana gano; Taacha hano, soma hano, imukia ekaraamu, genda oraare.

Omuega akore keno omosani akomotibia.

Ogokagora Umuega

Egekaguri

Omoorokia ategeerre umuega aragaamba amang'ana. Omoorokia andeke ko gekaguri.

Egekaguri eke abiega

Iritarasa re Kamwe

Entahana ya kuega: Isukuuru yaane

Irina ere omoorokia:-----

Etarehe-----Umueri-----Omooka-----

Iriigio: Togaambe

Iriigio iriike: Okogaamba amang'ana

(Tikia hano umuega amanyere kogaamba, guisia hano umuega atamanyere kogaamba)

Umuega	Namanyere	Tamanyere	Iririingio
Meremo			
Mosoba			

C. TOSOME

Gare garahekeerwe na umuega

Gokohekera omoheroi umuega atore;

- i) Gosoma amang'ana kebore gagotonerwa.
- ii) Gosoma inuguta ya mbere komang'ana.

Egaasi ya kamwe

- a) Omoorikia atoore abiega komakomo.

Umuega amaahe ibicha na agaambe kere akomaaha:

amato booka

ekengere chaagora

iritesiki geenda

orobao kama

umubiira saamba

- b) Umuega amahé ibicha na kogamba inuguta ya mbere komang'ana gano ga kubicha.

Egaasi ya Kabere

Umuega asome amang'ana gano: Orobao, Ekengere, Iritesiki, Umubiira. Omoorokia arigi amang'ana gaande aga ibinto ibia sukuuru.

Egaasi ya Gatato

- a) Umuega agaambe ibinto bitaano bino birenge sukuuru. Omoorokia andeke amarina aga ibinto biyo korobao.
- b) Umuega asome amarina gayo.

Ogokagora Umuega

Egekaguri: Ebotiborio

Umuega arigi ibicha ibia ibinto bino bireenge sukuuru. Umuega abimaameerre guchaati gotomera oboreembo. Umuega arete sukuuru ahe omoorokia. Omoorokia akumi egaasi iya abiega.

Umuega	Amariingio
Nchagwa	
Maroa	

D. Tondeke

Gare garahekeerwe na umwega.

Gokohekera omoherio umuega atore;

- i) Kondeka amang'ana komondeko umuuya.
- ii) Guichuria amabaga komang'ana gano ahayoe.

Egaasi ya Kamwe

Umuega eichuri ichinuguta chino chitigerwe komang'ana

Umuega aandeke amang'ana gayo kogetabo.

- egesaku
- egetabo
- omorookia
- igitumbe

Egaasi ya Kabere

Umuega asome amang'ana gayo:

Taimoka

Taandeka

Egaasi ya Gatato

Omoorokia ateebi abiega baandeke amang'ana gayo kogetabo.

Ogokagora Umuega

Egekaguri-Iruburiiki

Egaasi ya Kondeka

Umuega eichuri imieya geno

Irina ree-----

Isukuuru yaae-----

Omoorokia waae-----

Iritarasa ree-----

Anyoorri anei=UA Anyoorri atato=OA

Anyoorri abere=HAA Anyoorri remwi=HA

ENTAHANA YA GATATO: ETEEMO INCHIIYA

Ogotanga

Gontahana eno, abiega mbariege eteemo inchiiya kohetera amang'enga ga: tegeerra ogambe, togaambe, tosome na tondeke.

Eseemi ya Kuigia

Omoorokia abe na ibinto bia kumutuurria kuigia eteemo inchiiya.

Ibinto bino biratomeke

Ekegabo keno kena amakaratasi gana amang'ana. Omoorokia atomere omogeni gotebia abiega irigano.

A. Tegeerra Ogaambe

Gano garahekeerwe na umuega.

Gokohekera omohorio umuega atore;

- i) Komanya amang'ana aga eteemo inchiiya.
- ii) Gotomera amang'ana gano gakoorokia eteemo inchiiya.

Egasi ya Kamwe

Tegeerra irigano

Omoorokia asome irigano gose airigani omogeni asome irigano.

Abiega bategeerre irigano na baringi amaburio gano omoorokia araabahe.

- a) Irigano reyo niigoro ya umukungu ono ana ekeraandi na ekeboye na omoona owa igiseke.
- b) Mbusiro, Robi.

- c) Okorre buuya, uyi buuya.

Ogokagora Umuega

Egekaguri: Iruburiiki

Omoorokia ahe umuega iribaga ere kogaamba irigano. Abiega bategeerre.
Omoorokia aburi amaburio anei . Abiega bariingi. Omoorokia akumi.

Anei=UA

Atato=OA

Abere=HAA

Remwe=HA

B. Togaambe

Gare garahekeerwe na umuega.

Gokohekera omohorio umuega atore;

- i) Gotegeerra iribina.
- ii) Kuriingia amaburio igoro ya iribina.

Egaasi ya Kamwe

Umuega ategeerre iribina

- a) Iribina reno ni igoro ya eteemo inchiiya.
- b) Tasoha, muyi buuya, okorre buuya, tantuurria, tanyabera.

Egasi ya Kabere

- a) Umuega agaambe keno omoorokia akogaamba.

Omoorokia agaambe amang'ana gande atato aga eteemo inchiiya: ng'ora,
ogambere buuya, hano okahancha, ndasaba.

Egaasi ya Gatato

Omoorokia aandeke amang'ana aga eteemo inchiiya guchikaratasi, atoore gokegabo.

Umuega aimuki ekaratasi emwe, asome, ooroki irikomo ree.

Irikomo retomere amang'ana gayo kondeka kobotaambe.

Ogokagora Umuega

Egekaguri: Amabuurio na amariingio aga umunyua. **Igitimo eke ogotora**

Umuega	Namanyere	Tamanyere
Nyamohanga		
Wankio		

C. Tosome

Gare garahekeerwe no umuega.

Gokohekera omohero, umuega atore;

- i) Koohora amang'ana gano gakoorokia eteemo inchiiya kurwa kuibina.
- ii) Gosoma amang'ana aga eteemo inchiiya korobao.

Egaasi ya Kamwe

- a) Ibicha ibia umuega ainyahaarre kuiru. Omona wa ikimura aramotebia iga ng'ora gukuinyaahaara. Umuega ora anyaherekere agaambe iga okorre buuya.
- b) Umuega asome amang'ana omoorokia ategeerre.

Egaasi ya Kabere

- a) Umuega amaahe ichinuguta komabaga. Agaambe ichinuguta chino akomaaha.
- b) Umuega asinguuri amang'ana gano komabaga.
 - Tantuurria

- Tasoha
- Uyibuuya
- Tanyabera

Ogokagora Umuega

Igitiiimo eke ogotora

Umuega	Nanyoorre goswe	Tanyoorre goswe
Mwikwabe		
Mogoosi		

D. Tondeke

Gano garahekeerwe no umuega.

Gokohekera omohero, umuega atore;

- i) Kondeka amang'ana gano garenge guchaati.
- ii) Kondeka amang'ana kebore egotakerwa.

Egaasi ya Kamwe

- a) Umuega aandeke amang'ana gano omoorokia aramohe guichuria amabaga.

Amaringio

- Hano okahancha
- Tasoha
- Tanyabera

Egasi ya Kabere

Umuega andeke amang'ana gano omoorokia arasome.

Omorokia asome amang'ana gano, umuega aandake. Omoorokia ahaane amaringio

amaheene kobaara batanyoore.

- i) **Tanturria** ekaramu.
- ii) **Okorre buya** kong'a egetabo.
- iii) **Ng'ora** gukunyahaareka okoboko.
- iv) Tasugatera **hano okahancha**.

Ogokagora Umuega

Egekaguri: Okondeka amang'ana korobao

Igitiiimo eke ogotora

Umuega	Namanyere konde-ka	Tamanyere konde-ka
Nyagonchera		
Rioba		

ENTAHANA YA KANEI: OBOHORU/UBUIKUUNI

Ogotanga

Entahana eno ni ya obohoru, irinyiinga iriiya, ubuikuuni gokoreng'aana na amaigio.

Gontahana ya gotegeerra, umuega narategeerre omoorokia aragamba ibinto bino agokora kubikuuni, aratomera amabina.

Entahana ya kogaamba, umuega agaambe amang'ana, ko remwe remwe gose amang'ana hamoe gokoreng'ana na ubuikuuni.

Kwing'enga ere ogosoma, umuega naratore gosoma ibibuungu hagare hagare ibia ubuikuuni hakurua agaambe gare anyoorre kubibuungu biyo.

Koboondiki, umuega naraandeke amang'ana gano gareng'aini na ubuikuuni, akurua atomere amang'ana gayo kondeka kobotaambe.

Eseemi ya Kuigia na Kuega

Omoorokia abe na ibinto bionswe ibia kuigia obohoru.

Omoorokia atoore oroberi buya na ndanyore niritarasa rebe irichureeru.

Omoorokia aseemiri abiega bano baana imiiriro oroberi uruya na ibinto bia kobatuurria kuega.

Omoorokia aseemi ibinto bia gokagora umuega.

Kubiega bano baana imiiriro (SNE), bara batakoma buuya baikare mbere hare bakomaaha buuya.

Baara batakuigua buuya bahirwe guchisukuuru chino chirabairigani.

Omoorikia amaahe iga abiega boonswe begere gonchera eno egotakerwa.

Ibinto Bino Biratomeke

Ichingate chino china amang'ana aga kuegwa.

Ibioma ibia omotandao

Ibicha ibia ubuikuuni

Ibinto ibia ka na sukuuru ibia ubuikuuni: isisita, esabunyi, iriibu, omoonyo, egetambara ikia amamira, na ibinde.

Amabina

Omoorokia atomere ibinto ibinde bino bigotooka koroberi oro isukuuru.

A. Tegeerra Ogaambe

Gano garahekeerwe na umuega.

Gokohekera omohero, umuega atore:

- i) Kogaamba amarina aga ibinto ibia ubuikuuni.
- ii) Gotegeerra omoorokia aragaamba amarina aga ubuikuuni.

Egaasi ya Kamwe

- a) Omoorokia atuurri abiega kubina iribina reno rekogtabo.

Umuega akore amakore gokoreng'ana na amang'ana kuibina.

- b) Okogia amaino, uguchanora ituukia.

Omoorokia aimuki iribina reyo gusimu.

Omoorokia aigoorre isiimu abiega bategeerre iribina reyo.

Umuega abuuri umuiburi iribina ere ubuikuuni.

Umuega aandeke iribina kogetabo

Egaasi ya Kabere

a) Umuega amaahe ibicha na agambe kere akomaaha.

Uguisaaba ubusio.

Ugukundikiria umunyua arakorora.

b) Umuega akore amakore gano akomaaha kubicha. Omoorokia amaahe mona agokora.

Aga kuengeria:

i) Omoorokia aburi kere umuega agokora inkio:

- Guisaaba
- Koogia ameino
- Guchanora ituukia
- Kueya ibirato

ii) Kere umuega agokora sukuuru

- Guisaba amaboko hano arua choo.
- Guisaba amaboko atararagera.
- Gotomera egetambara ikia amamira komanyeero.

Umuega andeke amang'ana kurua kuibina reyo. Amang'ana gabe remwe, gose kobotaambe. Omoorokia atoore abiega komakoma bategeerrane barasoma amang'ana aga ubuikuuni kurua kuibina.

Umuega arengere amang'ana aga buikuuni kogetabo kee, umuene, babere babere, na kubikomo. Umuega naramanye kogamba kohetera gokorengera iribina.

Omoorokia agumiirri enkaga batakogaamba buuya, barengere rengere kuhika boongore. Umuega agumiirri enseera onde agosaria, kuhika agoote.

Ogokagora Umuega

Omoorokia atomere bino, gokagora keebore umuega agosona.

Andeke amang'ana gare giegerwe korobao. Umuega agagambe.

Omoorokia akagore hanga umuega namanyere guisaaba amaboko na kuguba umunywa rakorora. Omoorokia atiki hare umuega amanyere na aguisi hare atamanyere.

Igitiiimo eke ogotora

Umuega	Namanyere guisaaba amaboko	Namanyere kuguba umunywa arakorora
Wegesa		
Murimi		

B.Togaambe

Gare garahekeerwe na umuega.

Gokohekera, omoherio umuega atore;

- i) Kogaamba amang'ana aga omoorokia.
- ii) Gotomera ichingaate kuega amang'ana.

Egaasi ya Kamwe

Omoorokia asome amang'ana gano, umuega areengere gokoreng'ana na ibicha: umuswaki, iriogo iria amaino, egetambara ikia amamira.

Egaasi ya Kabere

Omoorikia abe na ibicha ibia omona wa ikimura arakora ubuikuuni.

Umuega agaambe keno gekubicha, babere babere na bagaambe guitarasa.

Omoorokia ateme ibicha ni siimu ngaki bagokora, atoore ibicha biyo kundigi iya iritarasa. Ibicha bibe ibia ubuikuuni. Omoorokia atomere umuiburi ibicha biyo. Abiega bakore egaasi komakomo.

Egasi ya Gatato

- a) Umuega abine iribina ere ubuikuuni. Omoorokia abuuri amabuурio. Umuega ariingi amabuурio aga ubuikuuni kuibina reyo.
- b) Umuega agaambe kebore akoogia ameino. Amariingio ngarabe hagare hagare. Omoorokia abateebi iga ameino googibwe gatato kurusiko gose kera nkaaga omonto asokiri korea ibiakorea.

Ogokagora Umuega.

Umuega agambe kebore agokora ubuikuuni ka na sukuuru.

Omoorokia amaheerre umuega arakora ubuikuuni.

Iruburiiki:

Umuega agaambe amang'ana anei gano agokora ka aga ubuikuuni.

Anei= UA

Atato=OA

Abere=HAA

Remwe=HA

C.Tosome

Gare garahekeerwe na umuega

Gokohekera omoherio umuega atore;

- i) Gosoma irigano iria ubuikuuni.
- ii) Kuriingia amariingio aga ubuikuuni.

Egaasi ya Kamwe

Omoorokia orokeerri umuega komaaha ibicha. Abiega basumachere komakomo ibicha biyo ibia ubuikuuni.

- Uguisaaba amaboko
 - Ogokeenga ichinkomo
- a) Ichinkomo chiange koba na ubuguundo nchiratoretere amarooyi.
 - b) Turuusi ubuguundo komaboko.

Egaasi ya Kabere

Umuega ategeerre irigano kogetabo kee. Umuega ariangi amabuurio abere.

Omoorokia amaahe hanga bagootere na guchaagora buuya gare barenge iga biege.
Omoorokia ahaane amariingio amaheene.

- a) Chino chitakengere, chino china ubuguundo.
- b) Chino chikengere, chino chitana ubuguundo.

Ogokagora Umuega

- i) Omoorokia atomere amabuurio aga kondeka na aga kogaamba.
- ii) Umuega asome amang'ana, achagore gaara gana ubuikuuni.

Igitiiimo eke ogotora

Umuega	Namanyere gosoma	Tamanyere gosoma
Nyagosea		
Mutiiro		

D. Tondeke

Gare garahekeerwe na umuega.

Kohekera omoherio, umuega atore;

- i) Kondeka amang'ana buuya.
- ii) Guchoora ibinto ibia ubuikuuni, ahake eraange.

Egaasi ya Kamwe

- a) Umuega amaahe ibicha kogetabo. Aandeke keno ibinto biyo ibia ubuikuuni bigokora. Omoorokia arusi ibicha ibia ibinto, ibia ubuikuuni.

esabunyi

egekeengero

ikieyo

- b) Umuega achoore isisita na etahuro. Umuega ahake eraange ibicha biyo. Umuega aandeke kere bigokora.

Egaasi ya Kabere

- a) Umuega aichuri ichinuguta chino chitigerwe komang'ana.

Toora abiega omooyo go guichuria amabaga buuya.

Esabunyi

Etahuro

Uguisaaba

Uguchanora

Abiega baandeke kubioma ibia omotandao amang'ana gayo koorri biege gotomera ibioma biyo.

Ogokagora Umuega

Omoorokia abuuri umuega aichuri amabaga aga ibinto binei ibia ubuikuuni bino agotomera ka.

Egekaguri:

Igitiiimo eke ogotora

Umuega	Namanyere	Tamanyere
Getobai		
Wandwe		

ENTAHANA YA GATANO: ICHINSA NA INCHIKAAGA

Ogotanga

Entahana eno nkomaaha ere amang'ana gichinsa na inchikaaga gokoreta amaigio aga gotegeerra, kogaamba, gosoma na kondeka. Esemi ya gotegeerra nkoha ere umuega ogotora ko gokora isumaacho eno ikuya hamui na enkaaga na gotomera amang'ana amahea gano gasomerwe goonsa na enkaaga.

Eseemi ya gusumaacha neraahe abiega iribaga re gusumaacha amang'ana buuya batakohaga. Abiega mbarandeke amang'ana aga koorokia ichinkaaga. Obong'aini bookondeka mborakore abiega bamanye amang'ana aga ichinsa na ichinkaaga.

Eseemi ya Kuega.

Omoorokia aseemi ibinto bionswe bino aratomere kuigiria abiega.

Omoorokia aseemi mona amaigio garakorekane, hano ndanyoore umutuurria naratunwe, aseemi kera gento. Seemia kere gionswe keratomeke gokagora umuega.

Ibinto bino biratomeke

Egetabo eke umuega.

Amakaratasi gano gachoorrwe ibinto.

Ensa iya indigi.

Ikiiriri

Ichaati erorokia ichinsiko ichia iwiki.

A. Tegeerra Ogaambe

Gare garahekeerwe na umuega

Gokohekera omoherio, umuega atore;

- i) Kogamba ichinsa na ichikaaga.
- ii) Kuriingia amabuurio aga omoorokia.

Egaasi ya Kamwe

Abiega bagaambe keno baagokora gonkaaga eno yoorokiibwi kubicha.

- i) Inkio-ndaya sukuuru.
- ii) Omobaso-ndarea ibiakorea.
- iii) Omogoroba-ndahooya omohooro.

Egaasi ya Kabere

Umuega abine iribina reno re kogetabo.

- a) Enkaaga emwe.
- b) Ichinkaaga muhungate.

Umuega abine iribina kumuiburi wae.

Ogokagora Umuega

Omoorokia ahaane kere agokora, umuega ahaane ichinkaaga.

Ekereengio

Okorema irigembe- inkio

Okoreeta iching'ombe ka –omogorooba

Okoraara- ubutiko

Igitiiimo eke ogotora

Umuega	Namanyere koreng'ania ichinkaaga na ichigaasi	Tamanyere koreng'ania ichinkaaga na ichigaasi
Wambura		
Mogesi		

B. Togaambe

Gano garahekeerwe na umuega

Gokohekeera omohero, umuega atore:

- i) Kogaamba kere agokora ichinsiko hagare hagare.
- ii) Kogaamba kere agokora chumatato na chumamosi.

Egaasi ya Kamwe

Umuega abine iribina umuene, babere babere gose kubikomo.

- a) Nkuyande sukuuru.
- b) Nkuyande kanisa.

Egaasi ya Kabere

Umuega amaahe ibicha ibia ichinkaaga hagare hagare na agambe kere agokora ichinkaaga chiyo.

Enkaaga iya imbura- ukuimia ibiakorea.

Enkaaga iya omobaso omororo-okogesa.

- a) Nkuimia bare amahindi, nkogesa bare ibiakorea.
- b) Nkuigama nde, nkoreta nde ichitugo ka.

Amariingio ngaraabe hagare hagare. Omoorokia atoore abiega omoyo kogaamba amang'ana kebore egotakerwa.

Omoorokia ahaane amariingio amaheene kumuega ono atanyoorre iribuurio.

Ogokagora Umuega

Egekaguri: Ebotiboorio

Umuega agaambe kere agokora ichiinsiko hagare hagare, omoorokia akumi.

Igitiiimo eke ogotora

Umuega	Namanyere enkaa- ga ya kuimia	Namanyere enkaaga ya kogesa
Wankuru		
Makuuri		

C.Tosome

Gano garahekeerwe na umuega.

Gokohekera omohero, umuega atore;

- i) Gosoma amang'ana gano arahaabwe na omoorokia.
- ii) Kuriingia amaringio komaburio aga omoorokia.

Egaasi ya Kamwe

Omoorokia atoore ichingaate chino china amang'ana gokegabo.

Abiega baimuki amang'ana bagagambe.

- a) Umuega amaahe ibicha na agaambe kere agokora inkio- kuya sukuuru.
- b) Umuega amaahe ibicha, agaambe kere agokora ubutiko-okorara.

Egaasi ya Kabere

Umuega asome irigano reno ahayoe. Omoorokia abuuri amaburio. Umuega ahaane amaringio komabuurio gayo.

Amariingio

- a) ichinsa na ichinkaaga/Wambura na gooko
- b) inkio
- c) umueri go kamwe

Ogokagora Umuega

Omoorokia akagore kebore umuega akogaamba amang'ana.

Omoorokia ahaane ichingaate chino china amang'ana anei, umuega asome amang'ana gayo kebore egotakerwa.

Omoorokia akumi

Anei=UA

Atato=OA

Abere=HAA

Remwe=HA

D. Tondeke

Gano garahekeerwe na umuega.

Gokohekera omohero, umuega atore;

- i) Kogotania ichinuguta gokora amang'ana.
- ii) Koondeka amang'ana mona agotakerwa.

Egaasi ya Kamwe

Omoorokia ahe abiega ichinuguta. Abiega bagotani ichinuguta gokora amang'ana hagare hagare abiene, babere babere na kubikomo.

Egaasi ya Kabere

Omoorokia ahe abiega amang'ana anei, batore guichuria amabaga

- a) Inkio
- b) Chumatato
- c) Omogorooba
- d) Ubutiko

Umuega asome amang'ana kebore gare kobotaambe.

Egaasi ya Gatato

- a) Omoorokia agambe amang'ana umuega aandeke gaara gatemeeywe imisitari. Umuega amahe kogetabo kee kobechi merongo etato na kenda (39).
 - i) Nkuyaande mogoondo **inkio**.
 - ii) **Chumamosi** nkuyaande kanisa.
 - iii) Iching'ombe chiranywa amanche **omobaso**.
 - iv) Torarwa sukuuru **omogoroba**.
- b) Omoorokia ahe umuega egaasi ya gosomera umuiburi amang'ana gano andekere.

Ogokagora Umuega

- i) Omoorokia abuuri umuega agambe kere akorre inkio ataraacha sukuuru. Umuega aandeke.

ii) Umuega abuuri umuiburi kere agokora umueri ogo ikumi na kabere.

Egekaguri

Igitiiimo eke ogotora

Umuega	Namanyere kere akorre inkio	Namanyere kere agoko- ra umweri ogo ikumi na kabere
Wambura		
Mogesi		

Aga Umuega Kubweng'e

Irina ere umuega: Angelina Robi Mosabi

Iritarasa: 1

Omoorokia: James Maroa Chacha

Irisomo:Igikuria

Iriigio irinene: Tondeke

Iriigio iriike: Okondeka amang'ana

Gano garahekeerwe na Umuega:

Gokohekera omoherio, umuega atore:

1. Kondeka kere agokora ichinsa na ichinkaaga hagare hagare.

Enchera ya gutiima	Ogotora oko umuega	Ahase aha gotoora ichinguru	Kere umuega akohaancha gokora
Tegeerra	gotegeerra kubueng'e	gotegeerra kobotaambe	gotegeerra amagano
Togaambe			
Tosome			
Tondeke			

Omohorio

IRUBURIIKI

Hanse ya Amaiteng'ero=HA

Haang'i na Amaiteng'ero=HAA

Okohekeera Amaiteng'ero=OA

Ukuhitiria Amaiteng'ero=UA

List of Contributors

- | | |
|----------------------------|--------------------------|
| 1. Prof. Elishiba Kimani | Chairperson KICD Council |
| 2. Jacqueline Onyango, OGW | KICD |
| 3. Eunice Gachoka | KICD |
| 4. Winrose Rono | KICD |
| 5. Jonathan maranya | KICD |
| 6. Anthony Maina Mbutu | KICD |
| 7. Charity Makau | KICD |
| 8. Aminga Aminga | KICD |
| 9. Waichoka John Gisiri | KICD |
| 10. Dr. Joyce Boke | |
| 11. Nazarene Chacha | |
| 12. Boke Tieko | |
| 13. Beatrice Nchagwa | |
| 14. Felix Manga Kegancha | |
| 15. Amos Ndinyo | Illustrator |
| 16. Jack Njagi | Designer |



REPUBLIC OF KENYA



KENYA INSTITUTE OF CURRICULUM DEVELOPMENT

Desai Road, Off Thika Rd.,

P.O. Box 30231 - 00100 Nairobi, Kenya.

Telephone : +254 (020) 374 9900 - 9, 374 8204, 374 7994

Fax : +254 (020) 363 9130.

Email : info@kicd.ac.ke, Website : www.kicd.ac.ke